



Gion Gieri Giger Selva/Sedrun

Nunspitgadamein ha il zenn grond da sogn Vigeli annunziau ils 16 da zercladur la mort da Gieri.

Naschius eis el a Selva ils 4 da december 1940 sco sulet fegl sper tschun soras. Ses geniturs ein stai Gion Antoni Giger e Ludivina Giger nata Venzin. Ina famiglia purila, sco biaras da lezs onns, nua ch'ei vegneva pretendiu da luvrar e segidar. La primavera digl onn 1951 ha la famiglia da Gieri dau adia da Selva ed ei serertratga a Bioggio el Tessin, bein ina midada nundetga. Dus onns sissu ein els turnai a Selva.

Suenter las scolas elementaras ei Gieri ius naven. El contuorn dil port d'aviazion dalla Swissair ha el anflau plazza. Igl onn 1968 marida el la giuvna Otilia Hitz da Gionda. La lètg ha purtau ad els dus fegl. Cun l'entschatta d'avrel digl onn 1970 ei il Gieri puspei secasaus a Selva ed ha fatg il pur cun sia dunna. El era in zun incarnaue ed inschignus pur. El meins da matg ils onns 1985 - 1987 vegn el elegius en la suprastonza communalala sco gerau. Cun grond plascher s'engascha el per il puresser.

Igl onn 1987, ils 17 da december ha el giu in grond accident. Da quei accident resta el schiraus. Quei ei stau per el la pli gronda frida en sia veta. Da quella frida eis el mai serevegnus. Igl onn 1988 sto el dar si siu post sco gerau muort siu impediment. Silsuenter eis el sesentius danvons.

Igl onn 1988, il december eis el secasaus a Sedrun. Da bialaura vesevan ins il Gieri en siu carr da rodas a motor. El selegrava sch'ins prendeva peda per ina paterlada.

Sia davosa lavour ei stada: Il barschament da Selva avon 50 onns en la Tuatschina dils 4 da zercladur 1999.

Ils 16 da zercladur cloma il Segner siu survient a casa tier el.

Car Gieri, Tiu giavisch ei adempius, nus tutz sperein che Ti sesanflies avon la fatscha da Diu.

Ruaussa en pasch